

ARREST DON-
NE' PAR LE ROY EN
son Conseil, avec Lettres de
Declaration dudit Seigneur
sur la Reuocation du droit
Annuel.

15^e jour 1678.



A PARIS,
Chez F. MOREL, & P. METTAYER,
Imprimeurs & Libraires ordina-
res du Roy.

M. DC. XVIII.
Avec privilege de sa Maesté.

ARREST DON-

NE TARE LE ROY EN

son Conseil, avec Lettres de

Declaration dudit Seigneur

sur la Renocacion du droit

Annuel.



A PARIS,

Chez F. Morel, & P. MATHIAS,

Imprimeurs & Libraires ordinaires

du Roy.

M. DC. XVII.

Avec privilege de Sa Majesté.



EXTRAICT DES Registres du Conseil d'Estat.



LE ROY s'estant
faict représenter
en son Conseil,
les Arrests & let-
tres patentes ex-
pedices sur le su-
ject de la dispense des quarante
iours accordée à plusieurs de ses Of-
ficiers, moyennant le payement du
droict Annuel, auquel ils feurent
pour ce taxez: ensemble les Cahiers
des Estats Generaux tenus à Paris,
par lesquels sa Majesté a esté tres-

instamment suppliée de reuocquer
 ladite dispense des quarante iours,
 & oster la venalité des Offices. Veu
 aussi l'Arrest dudit Conseil & let-
 tres expedées sur iceluy, par lesquels
 sur la treshumble remonstrance que
 lesdits Officiers auroient faicte à sa-
 dite Majesté, contenant que par
 deux Arrests donnez en sa presence,
 ladite dispense leur auroit esté ac-
 cordée pour six ans, qui ne deuoient
 expirer qu'à la fin de l'année mil six
 cens dix-sept, Sadite Majesté leur
 auroit continué ladite dispense ius-
 ques à la fin de ladite année mil six
 cens dix-sept. Et veu aussi l'aduis sur
 ce donné à sadite Majesté par l'as-
 semblée des Notables tenuë en la
 ville de Rouen: LE ROY ESTANT
 EN SON DIT CONSEIL a reuocqué &
 reuoque à tousiours ladite dispen-
 se des quarante iours & droict An-

nuel, sans qu'il puisse cy-apres estre restably & remis en quelque temps, & pour quelque cause & occasion que ce soit: se reseruant neantmoins sadite Maiesté, de recognoistre la vertu & le merite de ses Officiers, qui auront exercé leurs charges avec entiere reputation d'integrité & suffisance, soit de leur viuant en les promouuant à plus hautes charges, soit apres leur deceds en gratifiant leurs veufues & enfans, sur le prix de leurs offices, en cas qu'ils decedent auant les quarante iours. Et pour le regard de l'interdiction de la venalité des offices, encores que sadicte Majesté ait intention d'y pouruoir, le iugeant necessaire pour le bien public: Neantmoins pour gratifier seldits Officiers, & leur donner quelque loisir d'accommoder leurs affaires, & à sa Maiesté le

moyen de trouuer le fonds pour
remplacer ses parties casuelles: Sadi-
te Maieſté a encores voulu differer
l'effect de ladite interdiction de ve-
nalité. Et pour l'effect & execution
du present Arrest, veut sadite Maie-
ſté que toutes lettres necessaires en
soient expediées, & publiées en la
Chancellerie de France. Faict au
Conseil d'Estat du Roy tenu à Pa-
ris, le quinziesme iour de Ianuier
mil six cens dix-huit.

Signé, DELOMENIE.



LOUIS PAR LA GRACE DE
DIEU, ROY DE FRAN-
CE ET DE NAVARRE, A
tous ceux qui ces presentes Lettres
verront, Salut. Entre les remon-
strances & requisitions qui nous
ont esté faictes par les trois Ordres

& Estats generaux de nostre Royau-
me, assemblez en nostre bonne ville
de Paris, Il n'y en a point dont ils
ayent faict poursuite avec plus gran-
de instance, pour y obtenir prompte
prouision & remede, que de la re-
uocation du droict Annuel, inter-
diction de la venalite de tous Offi-
ces, tant de Iudicature que de Finan-
ce, dont le prix a accoustumé d'en-
trer en nos parties casuelles, & de la
suppression par mort de tous lesdits
Offices, iusques à ce qu'ils soient re-
duis au nōbre porté par l'ordonnāce
de Blois. Ce sainct & louable desir
ayant aussi esté en nous deslors que
nous sommes venus en aage de pou-
voir discerner & cognoistre ce qui
estoit vtile & dommageable à nous
mesmes, à nos subiects, & à nostre
Estat: Apres auoir consideré que par
ce moyen le choix nous estoit osté

d'esleuer aux charges, honneurs & dignitez, ceux qui par leur integrité & fuffifance s'estoient rendus capables d'y paruenir, s'ils n'employoient tout leur bien, & le plus fouuent le credit de leurs amis, pour les acheter à vn prix excessif, auquel le droit Annuel les auoit faict monter, & que la multitude d'Officiers, que la corruption des mœurs, & les necessitez aduenues en ce Royaume en diuers temps, auoient faict croistre d'année en autre iusques à vn nombre presque infiny, estoit aussi cause d'un grand desordre & confusion en la Iustice, & en l'administration des Finances, & de les faire mespriser, au preiudice de nostre auctorité, & à la diminution de l'honneur & respect qui est deu à leurs charges. Ceste assemblée d'Estats generaux ayant encor adiousté à leur
suppli-

supplication tous ensemble d'une
mesme voix & volonté, lors qu'ils fu-
rent prests de se separer, qu'il nous
pleust reformer tous lesdits abus au
mesme instant, & par vn Edict parti-
culier qui fut perpetuel & irreuoca-
ble, sans attendre la responce qu'ils se
promettoient deuoir estre faite avec
quelque temps & loisir à plusieurs
autres articles contenus en leurs ca-
hiers & remonstrances: Ce qui leur
fut aussi accordé par nous, avec pro-
messe solennelle d'en faire l'Edict au
mesme temps, & sans remise, com-
me il fut faict: Mais ayant peu de
iours apres entendu les remonstran-
ces de nos Officiers, qui nous au-
roient representé la continuation
du droict annuel leur auoir esté ac-
cordee pour six ans, par deux arrests
de nostre Conseil donnez nous pre-
sens, lesquels six ans ne deuoient ex-

pirer qu'à la fin de l'année mil six cens dixsept, & que si la venalité estoit ostée tout à coup avec le droit annuel, ce seroit incommoder plusieurs bonnes familles de nos officiers qui auroient achepté leurs offices à prix excessif : l'enuoy & la publication dudit Edict auroit esté differee iusques à ce que ledit temps fust expiré, afin que nos Officiers eussent moyen & loisir de pouruoir à leur interest particulier, par ceste grace acceptée lors d'un chacun, avec grand contentement & remerciement. Ce qui nous faisoit esperer qu'ils embrasseroient à present avec nous ce qui est deu au public en cest endroict, comme a faict la dernière assemblée de Rouën, en laquelle le mesme Edict faict au temps de l'assemblée des Estats de Paris, fut representé, veu & leu: mais le contrai-

re est aduenu par les plaintes qu'ils continuënt & repetent de iour en autre, sous le nom general de tous nos officiers, encores que ce soit contre le gré & volonté de plusieurs d'entre eux, qui ont considéré sagement les raisons cy-dessus desduites, & que la conscience & le deuoir les obligeoit d'auoir plus de soing de l'vtilité publique, en laquelle eux, leurs enfans, & leur posterité auroient part, qu'à leur interest particulier, dont nous desirerions d'amoindrir le dommage, si ce n'estoit que nous sommes obligez de preferer à ceste consideration le bien general de nostre Royaume, & que ne deuons priuer nos Estats Generaux du fruit & effect qu'ils ont esperé de leurs requisitions & de nos promesses. A CES CAUSES, Sçauoir faisons, qu'apres auoir mis ceste af-

faire en deliberation en nostre Conseil, auquel assistoient aucuns Princes de nostre sang, autres Princes, Ducs, Pairs, officiers de nostre Couronne, & autres personnes notables de nostredict Conseil, Nous en attendant l'Edict general que voulons faire publier dans peu de iours sur les cahiers & remonstrances des Estats tenus à Paris, & les aduis qui nous ont esté donnez en l'assemblee de Roüen, Auons suyuant l'Arrest ce iourd'huy donné en nostre Conseil, dont l'Extraict est cy attaché sous le contreseel de nostre Chancellerie, Reuocqué, & par ces presentes signees de nostre main, reuocquons à tousiours de nostre pleine puissance & autorité Royale, ladicte dispense des quarante iours, & droict annuel, sans qu'ils puissent cy-apres estre restablis ou remis, en

quelque temps, ou pour quelque cause ou occasion que ce soit: nous reseruant neantmoins de recognoistre la vertu & les merites de nos officiers qui auront exercé leurs charges avec entiere reputation d'integrité & suffisance, soit de leur viuant en les promouuant en plus hautes dignitez, soit apres leur decés, en gratifiant sur le pris de leurs offices leurs vefues & enfans, au cas qu'ils viennent à deceder sans auoir resigné leurs Offices, ou qu'ils soient morts apres la resignation, sans auoir vescu quarante iours. Et pour le regard de l'interdiction de la venalité des Offices, apres auoir meurement consideré la perte que nos officiers pourroient souffrir, si elle estoit faite au mesme temps que le droit annuel est reuocqué: Encores que ce soit nostre intention d'y pour-

ueoir, comme le iugeans nécessaire pour le bien publicq, nous en auons neantmoins voulu differer l'exécution pour donner encorés quelque moyen & loysir à nos officiers de pourueoir à leurs affaires, & à nous aussi de trouuer le fonds pour remplacer la perte de nos parties casuelles: ce que nous ferons au plus tost qu'il nous fera possible. Si donnons en mandement à nostre tres-cher & feal le Sieur du Vair Garde des seaux de France, que ces presentes il face lire & publier en nostre grande Chancellerie, le seau tenant. Mandons en outre à nos amez & feaux Conseillers, Notaires & Secretaires, les grands Audianciers de France, & Controolleurs de nostredite grande Chancellerie, faire enregistrer lesdites presentes és registres del'Audiance d'icelle, sans y faire aucune diffi-

culté. Car tel est nostre plaisir. En tef-
moing dequoy nous auons fait met-
tre nostre seal à cesdites presentes.
Donnees à Paris le quinzième iour
de Ianuier, l'an de grace mil six cens
dix-huict. Et de nostre regne le hui-
ctième. Signé L O V Y S. Et sur le re-
ply, Par le Roy. De Lomenie. & sel-
lees sur double queüe du grand seau
de cire iaulne. Et à costé dudit reply
est escript,

*Leu & publié, le seau tenant, & re-
gistré de l'ordonnance de monseigneur du
Vair Garde des seaux de France, és regi-
stres de la Chancellerie, par moy Conseil-
ler Secretaire du Roy de ses finances,
& grand Audiancier de France sous-
signé. A Paris le seiziesme Ianuier, mil
six cens dix-huict.*

Signé,

DESPORTES.

